

Iba ngwi a kye tso iJɔn

Owita-wita

¹ Iba mgbi iYesu iKrestu, ongwi Imgbasho kye nun ikye okye tso engbɛ mgban ungwɔ ama nka kye onɔ bata kawa kyɔ mani. O non tsotɔ mi odɔ ongyesɔ mgban esɔ mbi ongbidɔ mgban iJɔn,

² ngwu nkyɔ obwendɛ mi alungwɔ ngwi ongwu di ngwi li, elodze mgbi Imgbasho yi obwendɛ mgbi iYesu iKrestu.

³ Mse ka bɛ inggise ngwu ngbɔ elodze mgbi oyegbɔ nɛ ewo, mse dika bɛ ama nfwo di noyɛyɛ mi ungwɔ ngwi a lɔ to ele nɛ ewo, ikyekye onɔ ma dze kwɛkwɛ wa.

Angba beyi otseɛtse

⁴ Afɛ nɛ kye mbi iJɔn kɛ mbi okwakye mgbi ama onoyɛyɛ ngbi egyafa mi ɛsɛ Asia gbɛɛ: elela beyi iyu nkyɛ mbi ongwu ndze onɛnɛ, ongwu nteyi dze, dika wa dze na, yi mbi onodzi egyafa ama nkwudze iyayi itsuuto mgban na nu ma dze yi ema,

⁵ beyi mbi iYesu iKrestu ongwu nli obwendɛ otsitsi, ongwovɛ mbi emi ikwukwɔ, beyi ongye oteyi mgbi emi uto mi ɛsɛ.

Mbi ongwu ndi eyi kpan itukwu di dulu eyi tɔ mi ali ibwubwe mgbi eyi mi eyi mgban,

⁶ di nu eyi yɛɛ esuto onyi beyi ama ofifɛ ikye okyɔ Imgbasho beyi otsongwu idɔ mani,

okwɔkwɔ yi mɔye no dɛ mbon nghataa gyegwu!
No dɛ nha.

⁷ Dii o ka yekye mi akpa mi esho, ma ali ine duu ka dun, yi ama nton okpa ma kpaa; man inggise mi ese duu ka tsukwu ikyon. Li nha nka dɛ aali! No dɛ nha.

⁸ Otɛ Imgbasho gbɔgbɛ, <<Ani li owita-wita beyi ongyɛngye, Ongwu ndɛ onene, yi ongwu nteyi dɛ, yi ongwu ndika wa ba, ongwu ng-haangha duu mani!>>

Inɛ odiidi mgbi Ongwɛ Inggise

⁹ Ani, iɔn, ongwunema yi ibuge mgbi ema mi adɛ ogyeegye yi esuto mgbi okwonyɔtɛ yi itukwu oshiishi mgbi eyi mbi iYesu, kɛdɛ ibu ongwi iPatimo mi ikye elodzingbasho beyi obwendɛ mgbi iYesu.

¹⁰ Mi egbe mgbi Otɛ ma Onodzi kye ani teyi, man ani fwo onikyɔ ela mi iyikpa mbi ani dafi agba mani,

¹¹ ela na gbɛ: <<Lo mi afɛ ungwɔ ngwi abu di mani kye dɛsɔ nu okwakye mgbi ama onoyɛɛ egyafa ntonani: Mbi emi Efesu yi iSimina yi iPegamu yi iTyatira yi iSadi yi iFyiladefyia beyi iLaodisia.>>

¹² Ani kyata gbɛ ni ani di ela nle gbɔdɛ yi ani mani. Onɔ ngwi ani kyata ma, ani di otlɛ abashi mgbi ola ngɛ egyafa,

¹³ ma mi idzidɛ otlɛ ntona <<Inggise oka dɛ ele dafi Ongwɛ Inggise mani,>> wo angwuto owulu-wulu kye esho lu afɔ mi ese yi ayangwuto abashi nyɛ igɛɛ mgban.

14 Otu mi ikye mgban tundze dafi ofufitu, i tundze dafi akwummbwo, ine mgban di dze dafi abo onaana mgbi ola mani.

15 Afo mgban mi ese dze dafi iyudza ngwi a gyuon enotse omuma oshinishini mani, ela mgban di dze dafi adu eni nle kwobu mani.

16 O byi mce nghi egyafa mi abugye mgban, ma mi ondu mgban okwusunkli ngyigye agya efa to mi ele. Ine mgban dze dafi ono le kwo mi idzidze ude mani.

17 Ngwi ani din ne, ani si gbese lanke iyayi dafi ani kwulu mani. Ne o kye abugye mgban do ani ewo si gbese: <<Ka mio ba. Ani li ongwu ababo beyi ongwu olele mani.

18 Ani li ongwu ndze oshishe mani; ani ple kwulu, kpaa onene dika ani dze oshishe nghataa gyegwu! Ani di dze yi ungwu okwulu ofe mgbi ikwongye beyi endzi.

19 <<Ne kye lolu, ungwu ngwi abu di, ngwi dze onene beyi ungwu nkawa kyo mi iyayi.

20 Ungwu odaada mgbi mce egyafa ngwi abu di mi abugye mgbi ani beyi otlese mgbi ola okwokwo ma li ongwu aani: Mce egyafa ntona li engyeso mgbi okwakye mgbi ama onoyeye egyafa ntonani, otlese egyafa mgbi ola ntona li okwakye mgbi ama onoyeye egyafa ntonani.

2

Eso mbi emi Efesu

1 <<Lo ungwu ntone ke mbi ongyeso mgbi okwakye mgbi ama onoyeye mi Efesu gbese: Nene li elodze mgbi ongwu nbyi mce nghi egyafa mi

abugye mgban di kyikye mi idzidze otlese mgbi ola okwɔkwɔ nani:

² Ani ye idɔ ngwi abu kyo mani, okwunewo idɔ mgbi abu yi itukwu oshiishi. Ani ye abu ka gbela yi emi imbaali ba, ikyesine abu mbadi ama ntso gbɛɛ di ama li ama ogbikye iYesu kpaa a li ama ba, di difwi gbɛɛ a li ama omwonya.

³ Abu kwonyɔtse, di gyadze mi ikye mgbi ani, abu di yeyikpa ba.

⁴ Kpaa li ungwɔ nkpa ani yi abu ba aani: Abu dzata okpitukwu mgbi abu ongwi ababɔ nani.

⁵ Wɛ imbe abu gbɛsɛ mani! Kyatitukwu diye kyungwɔ ama ngwi abu teyi kyo ma ababɔ mani. Ni abu kyatitukwu ba, n ka ba mbi abu wa kyi kwɔlu otlese mgbi ola okwɔkwɔ mgbi abu na mi imbe mgban.

⁶ Nghaduu li ikyese mgbi abu aani: Abu di okyɔɔkyɔ mgbi emi iNikoleti tanyi, dafi ani kpaa di tanyi neni.

⁷ Inggise ndze yi adɔ, otsungwɔn no fwo odze ngwi Onodzi gbɔ yi emi okwakyɛ mgbi ama onoyeyɛ neni. Ongwu ngha ma, n ka nun ofɛ no gye ekwɔ mgbi oshishe, ndze mi iPradiso* mgbi Imgbasho nani.

Eso mbi emi iSimina

⁸ Lɔ ungwɔ ntonɛ kɛ mbi ongyeso ongwi okwakyɛ mgbi ama onoyeyɛ mi iSimina gbɛɛ: Nɛnɛ li elodze mgbi ongwu nli ababɔ di li olɛlɛ, ongwu nkwulu diye kyato dze oshishe nani.

⁹ Ani ye okakewo yi adze mgbi abu nghaduu abu dze aludu! Ani ye odze ibwubwe ngwi inggise

* **2:7 2:7** *iPradiso* Li imbe ngwi ungwɔ osuse kyoon to.

ama ngbɛɛ ama li emi iJuda kpaa li emi iJuda ba le gbɔ mi ikpewo abu mani, kpaa a li ozu okwakye mgbi iSatan.

¹⁰ Ka wimio mi ungwɔ ngwi abu le ka gyadzɛ mi ele na ba. N nya abu, Olodu ka gbe ema angbeka woke obawi ikye ombadi ema, ema dika gbiiso mi egbe iwyo. Shitukwu kpɔɔ, nghataa kɛ onɔ ikwongye, man ani ka kye okpaapyi mgbi oshishe nu abu.

¹¹ Inggisɛ ndzɛ yi adɔ, otsungwɔn no fwo odzɛ ngwi Onodzi gbɔ yi emi okwakye mgbi ama onoyɛyɛ nɛni. Inggisɛ nngha ma, ka gyiso mi ikwongye ongwu fan na wuba.

Eso mbi emi iPegamu

¹² Lɔ ungwɔ ntonɛ kɛ mbi ongyesɔ ongwɔ okwakye mgbi ama onoyɛyɛ mi iPegamu gbɛɛ: Nɛnɛ li elodzɛ mgbi ongwu ndzɛ yi okwusunkli ngyigye agya efa nani.

¹³ Ani ye imbe ngwi abu dzɛ na li imbe ngwi itsuuto mgbi iSatan dzɛ aali. Nghaduu abu kwudzɛ mi oyɛyɛ onuunu mi iyi mgbi ani. Abu tangwɛ oyɛyɛ onuunu mgbi abu mbi ani ba, mi egbe mgbi Antipa ma kpaa, obwendɛ mgbi ani otsitsi, a ngwɔn mi ogalu mgbi ema imbe ngwi iSatan dzɛ nani.

¹⁴ Nghanɛ kpaa, ani dzɛ yi ungwɔ gwee ngwi ani ka bɛwo ema ba: Ema to yi inggisɛ mmana ngwu gbela yi otsootso mgbi iBalan, ongwu ntso iBalaki ogbe emi iSrai teyi oka kyo alobube mgbi ogye ungwogye ngwi a kye fifɛ nu emi angwula bɛyi okyo amah nani.

¹⁵ Li ngha ngwi ema kpaa dze yi inggise ama ngbela yi otsootso mgbi emi iNikoleti aali.

¹⁶ Nghane kyatitukwu na! Lubana, ani ka ba mbi ema ple jo owa gblika yi ama mi okwusunkli ongwí ondu mgbi ani.

¹⁷ Inggise ndze yi ado no fwo odze ngwi Onodzi gbo yi emi okwakye mgbi ama onoyeye neni. Mbi inggise ongwu ngha, n ka nun iManna angbeka odaada. N dika nun ikwutse onzundze ngwi a lo iyi ofufe mi ele, ngwi inggise ngbe ma ta ka ye.

Eso mbi emi iTyatira

¹⁸ Lo ungwɔ ntonɛ kɛ mbi ongyeso ongwí okwakye mgbi ama onoyeye mi iTyatira gbɛ: Nene li elodze mgbi Ongwe Imgbasho, ongwu ine mgban dze dafi ola onaabo ngwu afo mgban mi ese dze dafi iyudza ngwi a gyuon enotse shinishini nani.

¹⁹ Ani ye okyɔɔkyɔ mgbi abu, okpitukwu mgbi abu yi oyeye onuunu, ido yi okwonyɔtse mgbi abu, di ye gbɛ abu le kyɔ onene ngha ongwí abu teyi kyɔ ababo mani.

²⁰ Nghane kpaa, li ungwɔ nkpa ani yi abu ba aani: Abu gbɛ ongyaa iJedzebɛ nkwi ewon di oyegbo na wo ewo. Mi otsootso mgban o nu engyiido mgbi ani boofɛ kaka amah ibwubwe, dile gye ungwogyɛ ngwi a kye fifɛ nu angwula.

²¹ Ani nun onɔ gbɛ no kyata mi amah mgban nani, kpaa o dze yi oweka ba.

²² Nghane n ka kyon ngwi dɔke akwulo mgbi adze ogyeegyɛ, n dika nu ama nle kyɔ amah yan gyadze kpakpa, sede nu ma kyatitukwu mi okyɔɔkyɔ mgban ntonani.

²³ N ka ngwɔn engbɛ. Ta okwakye mgbi ama onoyeye duu ka ye gbɛɛ ani li kyidi ali inggise mi eka yi itukwu, ma n ka yile mkpa kpa ali inggise mgbi ema duu mi okyɔɔkyɔ mgbi ema.

²⁴ Onene nle gbo yi ema ama nsisi mi iTyatira ne gbɛɛ, ema ama nkyɛɔ mi otsootso mgban ba, di kpai ungwo mgbi iSatan ngwi a li kwun di iba olu byulu ba ma, (n ka kye okakewo oka ɔo ema ikye wuba).

²⁵ Nghaduu gbewɛbyi otsootso ngwi ema dzeɣan na kyoon nghataa ni ani wa yido.

²⁶ Mbi inggise ngwu nha di kyɔ owitukwu mgbi ani ka dondu ma, n ka nun mfye mi ikye ɛɛ ibyibi.

²⁷ O ka kye ma teyi yi okwuta uto ashashi; o ka gbobu ma ambulu-ambulu dafi ishe yeye dafi ani gbɛ mfye mbi Otsani mani.

²⁸ N dika kye Oshɛbɛ† nun.

²⁹ Inggise ndze yi adɔ yɔ, no fwo odze ngwi Onodzi gbo yi okwakye mgbi ama onoyeye neni.

3

Eso mbi emi iSadi

¹ Lo kɛ mbi ongyeso ongwɛ okwakye mgbi ama onoyeye mi iSadi gbɛɛ: Ntone li elodze mgbi ongwu nbyi Onodzi mgbi Imgbasho egyafa beyi mɛɛ egyafa nani. Ani ye okyɔɔkyɔ mgbi abu; ali inggise duu tsewe gbɛɛ abu ka dze oshishe mi onodzi, kpa o li ikwukwo.

† 2:28 2:28 *Oshɛbɛ* Li umba ngwi a ka kye nu ama ngwu nha

² Ngyo! Ni oyeyē onuunu mgbi abu nsisi dze na fyumfye di i wa kwulu, ikyesine ani di okyockyo mgbi abu mbi Imgbasho mgbi ani saan ngye ba.

³ Nghane wē, ungwō ngwi abu teyi gbē di fwo mani; kyo mi ele, di kyatitukwu. Kpaa kini abu ngyo bayo, n ka ba dafi emumyi mani, ma abu ka ye onō ngwi ani ka ba mbi abu ba.

⁴ Nghaduu ema to yi inggise gwee mi iSadi ama nnu angwuto mgbi ama shimbi ba mani. A ka wewo mi angwuto onzundze kyikye yi ani, ikyesine a mē.

⁵ Inggise nngha ma, ka wo angwuto onzundze dafi ama mani. Ani dika dulu iyi mgban mi afe mgbi oshishe ba, kpaa n ka kye iyi mgban tso mi ododa mi inai Otsani yi engyeso mgban.

⁶ Inggise ndze yi ado yo, no fwo odze ngwi Onodzi gbo yi emi okwakye mgbi ama onoyeye neni.

Eso mbi emi iFyiladefyia

⁷ Lo ke mbi ongyeso ongwī okwakye mgbi ama onoyeye mi iFyiladefyia gbē: Nene li elodze mgbi ongwu nle saan di dze yi oyeye, ongwu nbyi ungwō okwulu ofe mgbi iDevedi. Ungwō ngwi o kwulu inggise onyi ka kye tukwu gbē ba, ungwō ngwi o di kye tukwu inggise onyi ka kwulu gbē ba.

⁸ Ani ye ungwō ngwi abu kyo. Di, ani kwulu ofe lake asisa ikye abu, ngwi inggise onyi ka kye tukwu gbē ba. Ani ye enepe mē abu ba, nghaduu abu ngyo elodze mgbi ani di tangwē iyi mgbi ani ba.

⁹ N ka nu ama nto mi ozu okwakye mgbi iSatan, nli tso gbē ama li emi iJuda kpaa li ama ba,

kpa a li ama omwonya ntonani, N ka nu ma wa kwese mi iyayi mbi abu di difwi gbɛɛ abu kpa ani itukwu.

¹⁰ Ikyegbɛɛ ema ngyo ola mgbi ani di shitukwu kpɔɔ nɛ, ani kpa a ka dula ema tɔ mi imbadi nka ba mi ikye esɛ duu owa mbadi ama nto esɛ mani.

¹¹ Ani kyema dzikan-dzikan. Kye abɔ byi ungwɔ ngwi abu dzɛyan ma kpɔklɔɔ, ikye ni inggise onyi wa gbɛ abu okpapyi ba mani.

¹² Inggise nngba ma, n ka non li otlesɛ mi ozu okwukwo osunu Imgbasho mgbi ani. Akponyi kpa a o dika dzanta ba. Ani ka lɔ iyi Imgbasho bɛyi iyi ogalu mgbi Imgbasho mgbi ani mbon, iJerosalin ofufe ntɔ mi esho mbi Imgbasho mgbi ani kye le ba nani; ani dika lɔ iyi ofufe mgbi ani mbon.

¹³ Inggise ndzɛ yi adɔ, no fwo odzɛ ngwi Onodzi gbɔ yi okwakye mgbi ama onoyɛɛ nɛni.

Eso mbi emi iLaodisia

¹⁴ <<Lɔ kɛ mbi ongyesɔ ongwɔ okwakye mgbi ama onoyɛɛ mi iLaodisia gbɛɛ: Ntonɛ li elodzɛ mgbi No Dzɛ Ngha mani, ongwu ndzɛ yi otsitsi bɛyi obwendɛ otsitsi, ongwu nli ikye mi ungwɔ ama Imgbasho ta ntonɛni.

¹⁵ Ani ye ungwɔ ama abu teyi kyo mani; ani ye dafi abu yuyu naadi zola ba mani. Dafi i dzɛ ani ma gbɛɛ abu ki yuyu hona zola!

¹⁶ Kpa a ikyegbɛɛ abu tɛwɛwɛ, abu zola hona yuyu ba nɛ, n le ka kye abu ngwuta dafi anggwo mi ondu mgbi ani mani.

¹⁷ Abu gbɛɛ, <ani dzɛ aludu; ani tu aludu di mina unkonyi wuba.> Nghaduu abu difwi gbɛɛ, i

ngha abu ewo, kyelela, dze adze, bine di dze ibiba ba.

¹⁸ Ani we abu ewe gbɛɛ, ni abu gya abashi ngwi a falufa won mi ola mbi ani, ikye ni abu yɛɛ aludu; yi angwuto onzundze owoowo, ikye ni abu tukwu iba ayiwi mgbi abu; yi otse okye wo ine mgbi abu, ikye ni abu di mani.

¹⁹ Ama nkpaɛ ani itukwu ma, ani li kyɔkyɔ di kwo ma adɔ. Nghane dze mi otsitsi, di kyati-tukwu.

²⁰ Gadɔ! Ani kwudze onufozu le tsaabo! Inggise ta nfwo ela mgbi ani di kwulu ofɛ yɔ, n ka kaka di gye ungwogye yan, ongwu kpaa ka gye yi ani.

²¹ Mbi ali inggise nngaha duu, n ka nun ofɛ no so yi ani mi itsuuto mgbi ani, yeye dafi ani kpaa ngha di so yi Otsani mi itsuuto mgban neni.

²² Inggise ndze yi adɔ yɔ, no fwo odze ngwi Onodzi gbɔ yi okwakye mgbi ama onoyeye neni.>>

4

Osuusununu ongwi esho

¹ Ngwi ungwɔne wa nye ne, ani ndine, ta mmana mi iyayi mgbi ani onufozu lasisa mi esho. Man ela ngwi ani teyi fwo le gbɔdze yi ani dafi agba ma gbɛɛ, <<Ba esho mmeneni, ta n ka tso abu ungwɔ nka kyɔ onɔ ngwi ungwɔne wa nye mani.>>

² Labɔ mata ani dze mi Onodzi, man inggise sɔdze itsuuto mgbi Imgbasho wa dzeke ine mbi ani.

³ Ongwu ndi sɔdze mmana ma odzɛɛdze mgban dze dafi ikwutse onyina-nyina beyi ikwutse nli omuma gloglo mani. Mmbwo olowa, nlu ikwutse

ngwi dze yi enotse dafi indrakpakpa kwokwo, loka wo itsuuto nani.

⁴ Itsuuto angbeka nghi osudene kpakeke wo itsuuto nani, engyukwo osudene di soto efu tsatsadu. A wo angwuto onzundze di tukwu okpapyi abashi mi ikye mgbi ama.

⁵ Mi itsuuto na mmbwo naabo to, kwadu, akpala di gbo. Ola ipitila nghi egyafa tole gbe mi iyayi itsuuto nani. Ngwi li onodzi egyafa mgbi Imgbasho mani.

⁶ Mi iyayi itsuuto na ungwoka di dze ele dafi onekyoo idzinggi, gbosa dafi ikwutse ola mani sɔdze idzidze.

Adan owamye nghi ene ngwu dze yi ine mi iyayi beyi iyikpa loka wo itsuuto nani.

⁷ Adan owamye ongwu ababo ma dze dafi ugaba, ongwu fan dze dafi mnda ngwi a won elozu, ongwu ta dze yi ine dafi inggise, ongwu ne dze dafi uyee nle bulu mani.

⁸ Ali atta owamye ene ntona dze yi asha egyin yi ine kpatse ele, kwo yi asha mgban mi ese kpaa. Ono yi otu duu a yama kwulese ogbee:

<<Osaan, osaan, osaan
li Otse Imgbasho onghaangha,
ongwu nteyi dze, di dze onene, dika dze nghataa
gyegwu ba.>>

⁹ Alono ni atta owamye ntona kye okwokwo yi mmwe beyi angba nu ongwu nsɔdze itsuuto di dze oshishe gyegwu-gyegwu na,

¹⁰ engyukwo osudene ntona li tukwuke ese nu ongwu nsɔdze itsuuto na, di sunu ongwu ndze oshishe gyegwu-gyegwu nani. A li gbe okpapyi mgbi ama lakiyayi itsuuto si gbee:

11 <<Abu mɛ, Otse beyi Imgbasho mgbi eyi,
ogbe okwɔkwɔ yi mmwe beyi mfyɛ,
lubana abu ta alungwɔ duu,
ma mi oweka mgbi abu a ta ma
di dze mi odzɛɛdze mgbi ama aani.>>

5

Afɛ ofulu-fulu yi ongwummala

¹ Nɛ ani di afɛ ofulu-fulu mi abugye mgbi ongwu nsɔdze itsuuto nani, ngwi a lɔ ungwɔ mi ali agyan duu kye kwobe imbe egyafa.

² Ani diye di ongyeso odatu le noola mi ela okwukwo gbɛɛ, <<Li emɛ mɛ okye fwɛlu kwobe di kwulu afɛ na?>>

³ Nghaduu inggise onyi mi esho naadi mi ɛsɛ hona mi ikpɛsɛ yagba kwulu afɛ na naadi wine di ifun kpaa ba,

⁴ Ani tsukwu diye tsukwu ikyekye a tu inggise onyi nka kwulu afɛ na hona wine di ifun ba.

⁵ Nɛ engyukwo ntona onyi nya ani gbɛɛ, <<Ka tsukwu ba! Dika, Ugaba mgbi etɔ mgbi emi iJuda, Etɔ mgbi iDevedi ngha wa. O ka yagba kwulu afɛ na yi kwobe-kwobe egyafa ntonani.>>

⁶ Nɛ ani di Ongwummala, le dinɛ dafi a teyi ngwɔn mani, kwudze mi idzidze itsuuto, atta owamyɛ nghi enɛ beyi engyukwo ntona loka won. O dze yi agbe nghi egyafa yi inɛ egyafa, ngwi li Onodzi egyafa mgbi Imgbasho ngwi a kye dɛsɔ nu ɛsɛ duu mani.

⁷ O ba wa kye gbɛlu afɛ ofulu-fulu na mi abugye mgbi ongwu nsɔdze itsuuto nani.

⁸ Man ngwi o kye gbɛlu nɛ, atta owamyɛ nghi enɛ ntona bɛyi engyukwo osudene ntona lake esɛ mi iyayi Ongwummala nani. Ama duu dzɛ yi ozuna a di byi uga abashi nmbwo yi ungwo ogbungbɛ mi ifun, ngwi li ibɔ mgbi emi osaan.

⁹ A di shashi ofufɛ gbɛɛ:

<<Abu mɛ okyi kyelu afɛ ofulu-fulu
di kye kwulu okwobɛ-kwobɛ mgban ntonani,
ikyekyɛ a ngwo abu,
ma yi eyi mgbi abu, abu gya inggise
mi ali udzɛ bɛyi ondudzɛ,
bɛyi inggise yi ɛsɛ duu ikye Imgbasho.

¹⁰ Abu nu ma yɛɛ esuto bɛyi ama ofifɛ
ikye osunu Imgbasho mgbi eyi,
a dika kye ɛsɛ nɛ teyi.>>

¹¹ Nɛ ani ndine si fwo ela engyesɔ ibyibyi, mmbwo mgbi ama li idubu idubu, yi idubu iwyo akpe idubu iwyo. A kpakɛkɛ wo itsuuto bɛyi atta owamyɛ bɛyi engyukwo ntonani.

¹² Mi ela okwukwo a shashi gbɛɛ:

<<Omɛɛmɛ li Ongwummala,
ongwu a ngwɔn,
o kye gbɛlu mfye yi
aludu yi ozoyeye yi enɛpɛ
yi mmwe yi okwɔkwɔ bɛyi otɛɛtɛ!>>

¹³ Nɛ ani fwo ali atta mi esho duu bɛyi mi ɛsɛ nɛ bɛyi mi ikpɛsɛ bɛyi mi ekyoo okwukwo, bɛyi alungwɔ nto mboma duu, le shashi gbɛɛ:

Mbi ongwu nsɔdzɛ itsuuto
yi mbi Ongwummala
ni otɛɛtɛ yi mmwe yi okwɔkwɔ bɛyi mfye
dzɛ mbon, nghataa gyegwu!>>

14 Adan owamye nghi ene ntona gbɛɛ, <<No dze ngha,>> man engyukwo ntona lake ese di sunu.

6

Okwulu okwobe egyafa ntonani

¹ Dafi ani di Ongwummala kwulu okwobe-kwobe onzwi ababo nɛ. Ani si fwo onyi mi idzidze atta owamye ntona gbo mi ela ngbela dafi akpala mani gbɛɛ, <<Kwa!>>

² Man ani ndine si di mmya onzundze dze iyayi mbi ani! Inggise nle ton ma byi uta, a di kye okpapyi nun, o ton tase dafi inggise onghaangha mani, le ka ngha.

³ Ono ngwi Ongwummala kwulu okwobe na ongwu fan ma, ani fwo atta owamye ntona ongwu fan gbɛɛ, <<Kwa!>>

⁴ Nɛ mmya oka nma dafi ola tase, inggise nle ton ma, a nun gbɛɛ no kyi kyelu iyu mi ese neni, odi nu inggise kwobu ewoma. A kye okwusunkli ogbadaa nun.

⁵ Ono ngwi Ongwummala kwulu okwobe na ongwu ta ma, ani fwo atta owamye ntona ongwu ta gbɛɛ, <<Kwa!>> Ani di mmya onbyinbyi kwudze iyayi mbi ani! Inggise nle ton ma, kye ungwɔ omba ungwɔ agya efa byabo.

⁶ Ani fwo ungwɔ gbela dafi ela mi idzidze mgbi atta owamye ntonani. Le gbɛɛ, awu alakama onyi okpa mi ikye ido egbe onyi, awu eneso nghi eta okpa mi ikye ido egbe onyi, dika nu engyie yi eneekwo na nyanya ba!>>

⁷ Ono ngwi Ongwummala kye kwulu okwobe-kwobe ongwu ne ma, ani fwo ela mgbi atta owamyē ongwu ne le gbē, <<kwā!>>

⁸ Ani ndine, man mmya nsila kwudze! Ongye otōn ma a kwun di Ikwongye, ta Endzi kyan iyikpa kwēkwē. A kye mfyē nu ma gbē nu ma ngwō inggise mi ayese onyi mi idzidze ene mgbi ese yi okwusunkli yi onikyenbwa yi ootse, beyi mmbwaboshe emi ese neni.

⁹ Ngwi o kwulu okwobe-kwobe ongwu da ma, ani di oshishe mgbi ama ngwu a ngwō ikye elodzingbasho ikyegbē a kyō obwendē otsitsi mi ita iwashi mani.

¹⁰ A kwu ela mi ela okwukwo gbē, <<Ka kye ono sine, Otse Ongha yi mfyē, osaan yi otsitsi, se ngwi abu ka fwo inggise emi ese ne ikwō di kpa ma mkpa mi ikye eyi mgbi eyi ngwi a kye kyi ese na?>>

¹¹ Ta a nu ma angwuto onzundze di nya ma gbē nu ma mbata gwee, nghataa ni umbwo engbido angbeka beyi emi ongwunō ma ama ngwu a ka ngwō ma dafi ama abuoma kpaa a ngwō ma ma mbwumbwo se.

¹² N di dafi o kwulu okwobe-kwobe ongwu gyin na mani. Man ikpese suusu kpakpa. Ono kyata yē onbyinbyi dafi ishisha angwuto ngwi a mē mi andu mndō mani, ofyia ololo kyata yē omuma dafi eyi,

¹³ man mce mi akpa yangwuta luba ese, dafi onggangga mgbi andundu li wulo ono ngwi awo fa fyumfyē nani.

¹⁴ Man esho byakpa byulu dafi afe ngwi a fulu mani, ne ali unggwō yi ibu duu a kye kwolu ma

mi imbe mgbi ama.

¹⁵ Ta uto emi ese ne, uto engyaa, emi agyegika, emi aludu, ama odatu, yi ali ofyee beyi inggise ewewe duu gbe ewoma da mi ishe beyi ifo unggwo.

¹⁶ A kwu unggwo yi akwutse ela gbex, <<Yulu tukwu eyi kye eyi da mi ine mgbi ongwu nsode itsuuto beyi itingga mgbi Ongwummala!

¹⁷ Ikyesine egbe itingga mgbi ama okwulewo ma ba wa, nghan li eme ka tsigegye yan gbex?>>

7

*Inggise idubu ideli onyi
ngwusefa don ene
ngwu a kye ambe dze ma*

¹ Ngwi ungwone wa nye ne, ani di engyeso nghi ene kwudze aye ene mgbi ese le kwulu awo mi aye ene mgbi ese gbex no ka fa mi ikpese naa mi ekyoo okwukwo hona mi ekwo onyi kpaa ba.

² Ne ani di ongyeso oka tokye mi onosa, yi ambe mgbi Imgbasho oshishe. O kwu ela mi ela okwukwo ke mbi engyeso nghi ene ama ngwu a teyi kye mfyee nu ma gbex nu ma dzili ese beyi ekyoo okwukwo ntona gbex:

³ <<Ka dzili ese naa ekyoo okwukwo hona ekwo ba, nghataa ni eyi kye ambe dze engbidu mgbi Imgbasho mgbi eyi mi ebeshu se.>>

⁴ Neman ani fwo mmbwo mgbi ama ngwu a kye ambe dze ma mani: Idubu ideli onyi ngwusefa don ene mi ali agwo mgbi iSrai duu.

⁵ Mi agwo mgbi iJuda a kye ambe
dze inggise idubu iwyodefa,

mi agwɔ mgbi iRuben idubu iwyodefa,
 mi agwɔ mgbi iGadi idubu iwyodefa,
 6 mi agwɔ mgbi Ashe idubu iwyodefa,
 mi agwɔ mgbi iNaftali idubu iwyodefa,
 mi agwɔ mgbi iManase
 idubu iwyodefa,
 7 mi agwɔ mgbi iSimion idubu iwyodefa,
 mi agwɔ mgbi iLevi
 idubu iwyodefa,
 mi agwɔ mgbi iSaka
 idubu iwyodefa,
 8 mi agwɔ mgbi iDzebulun idubu iwyodefa,
 mi agwɔ mgbi iJose idubu iwyodefa,
 mi agwɔ mgbi iBenjamin idubu iwyodefa.

*Ibyi inggise ama nwo angwuto
 onzundze*

9 Ngwi ungwone wa nye ne, ani di ibyi inggise
 mi iyayi mbi ani ngwu inggise onyi ka gbo ma
 gbe ba, kye mi ali ese yi agwɔ yi inggise yi
 ondudze duu, gbeka kwudze iyayi itsuuto beyi
 iyayi Ongwummala. A wo angwuto onzundze di
 byi abade mi abo mgbi ama.

10 A si kwu ela mi ela okwukwo gbɛ:
 <<Owato-wato kye mbi
 Imgbasho mgbi eyi,
 Ongwu nsodze itsuuto,
 beyi mbi Ongwummala.>>

11 Engyeso ntona duu kwudzekɛ kpakeke wo it-
 suuto di kpatse engyukwo ntona yi atta owamye
 ntonani. A tukwuke ese gbe ikye weese mi iyayi
 itsuuto si sunu Imgbasho,

12 le gbɛ:

<<No dze ngha!
 Otse-tse yi okwɔkwɔ
 yi ozoyeye yi angba yi
 mmwe yi mfyɛ yi apa
 no dze mbi Imgbasho mgbi eyi
 nghataa imbisɔ gyegwu.
 No dze ngha!>>

¹³ Ne onyi mbi engyukwo ntonɛ byi ani ita gbɛɛ,
 <<Ama nwo angwuto onzundzɛ ntonɛ ma, a li ele,
 a di kyɛ ole kyɛ?>>

¹⁴ Ani si nu uka gbɛɛ, <<Ongyukwo, abu ye.>>
 Ta o gbɛɛ, <<Ntonɛ li ama ntase mi adzɛ ok-
 wukwo nani; a kye salu angwuto mgbi ama non
 yɛɛ onzundzɛ mi eyi mgbi Ongwummala.

¹⁵ Ikyenghanɛ,
 <<a to iyayi itsuuto mgbi Imgbasho
 dile sunun onɔ yi otu mi ozu
 mgban okwukwo nani;
 man ongwu nsɔdzɛ itsuuto na ka
 kye iwulu abɔ mgban tukwu ma.

¹⁶ Akponyi kpaa enbwa ka dɔ ma ba;
 ekweni kpaa dika kwu ma ba.
 Onɔ ka tse ma ba,
 naadi olola onyi kpaa ba.

¹⁷ Ikyesinɛ Ongwummala ndzɛ mi idzidzɛ
 itsuuto na ka li inggisɛ ongyo ma;
 o ka gbe ma teyi lu mi uteeni oshishe.
 Man Imgbasho ka fɔ ma etse inɛ duu.>>

8

*A kwulu afɛ ngwi a kye kwobɛ na
 ongwu gyafa mani*

¹ Ngwi Ongwummala kye afe ngwi a kyi kwobe ongwu gyafa kye kwulu ne, esho dede me itsitsi obyi hini.

² Man ani di engyeso nghi egyafa nkwudze to inai Imgbasho na, a kye agba onyonyi nu ma kpatse.

³ Ongyeso oka, nbyi uga abashi mgbi ungw ogbungbe ma, ba wa kwudzeke iwashi. Ongwune ne a kye ungw ogbungbe kpakpa nun ikye okye toola yi ibo mgbi emi osaan mi iwashi abashi mi iyayi itsuuto.

⁴ Ne iwu mgbi ungw ogbungbe na, beke yi ibo mgbi emi osaan, kye mi abo mgbi ongyeso na, lu iyayi Imgbasho.

⁵ Ta ongyeso na kyi kyelu uga ungw ogbungbe na, mwa ola mi iwashi mbwoke ele, man kye ngwuta lake ese; ta imbe kwadu, akpala gbo, mmbwo naabo, ese di suusu.

Agba ntonani

⁶ Ne engyeso nghi egyafa ndze yi agba nghi egyafa ntona wewo ofo ma.

⁷ Ongyeso ongwu ababo fo agba mgban, ta mmbwakwutse yi ola ngwuoke yi eyi, man a kye ma ngwuta luba ese. Ayese ongwu ta gyola, aye ekwo ongwu ta gyola, osho okyinda duu di gyola.

⁸ Ongyeso ongwu fan fo agba mgban, man a kye ungw dafi unggwo ogbagbadzidzi, nle gbe yi ola ngwuta woke onekyoo. Man aye ongwu ta mgbi onekyoo ma yee eyi,

⁹ ta ungw ama ndze yi oshishe nwoto onekyoo mi aye ongwu ta duu kwulu, a kye iwudza eni mi ayese ongwu ta duu, kye sulu.

¹⁰ Ne ongyeso ongwu ta fo agba mgban, man mce okwulewo, nkwiine dafi itoci sini, ngwuta kye esho wa gyeke okwokiikwokyi mgbi ekyoo mi aye ongwu ta beyi eni mgbi oshishe nani.

¹¹ Iyi mce na gbɛ Onuno. Aye eni ongwu ta na ye nuno, ne ibyi inggise ama nweni onuno na duu kwulu.

¹² Ongyeso ongwu ne fo agba mgban, ta a kyi kwɔdze aye ongwu ta mgbi onɔ yi ofyia beyi mce, man a yee iifu. Nghane aye ongwu ta mgbi onɔ yi otu duu dze yi osa wuba.

¹³ Ngwi ani le kyidi ne, ani fwo uyee le bulu mi idzidze awo kwu ela mi ela okwukwo gbɛ: <<Ibli! Ibli! Ibli mbi imba mgbi ese neni, mi ikye agba ngwi ongyeso angbeka eta ntona le wewo ofo mani!>>

9

¹ Ngwi ongyeso ongwu da fo agba mgban ne, ani di mce ngwuta mi esho luba ese. A kye ungwɔ okwulu ishe ndondu ba na nu mce nani.

² Onɔ ngwi o kyi kwulu ishe na ma, iwu kyee mi ele dafi iwu mgbi ola okwukwo mani. Iwu na nu onɔ yi akpesho duu yifu.

³ Man obagidi to mi iwu na kpatse ese a di kye mfye nu ma dafi ito mfye mgbi mnaa ongwi ese neni.

⁴ A nya ma gbɛ nu ma ka kyɔ oshe mi ese naadi afutse onyi hona ekwɔ unkonyi ba, kpaa li inggise ama ndze yi ambe mgbi Imgbasho mi ebeshu mgbi ama ba mata.

⁵ A nu ma mfye gbɛ nu ma ngwɔ inggise ba, kpaa li onu ma iso mi ofyia eda kyoon. Ma Iso

ngwi a gye ma di dze dafi otooto mgbi mnaa ono ngwi i to inggise mani.

⁶ Mi egbe ntona ma, inggise ka pita ikwongye, kpaa a ka dun ba; a dika mina okwulu, nghaduu ikwongye ka tsinya dzamata.

⁷ Obagidi ntona to dafi mmya ngwi a me ma ewo ika mani. A kye ungwɔ wo ma mi ikye dafi akata abashi mani, ine mgbi ama lu ine inggise owamyɛ.

⁸ Otu mgbi ama dze dafi otu mgbi engyaa, aba mgbi ama di dze dafi aba ugaba.

⁹ A dze yi okpalika ndze dafi okpalika ashashi mani, ma adu mgbi asha mgbi ama dze dafi akpala ogboogbo mgbi mmya beyi mmyikwukwo ibyibi nkwaɗu tole ke ika mani.

¹⁰ A dze yi odu di li to dafi mnaa mani, ma mi odu mgbi ama, a dze yi mfye onu inggise iso mi ofyia eda.

¹¹ A dze yi utɔ nkye ma le teyi, ongyeso ongwu ishe ndondu ba nani, ongwu iyin mi ondu iHibru li Abadɔn, mi ondu iGriki li Apolɔn (Ongye odzili).

¹² Ibli ongwɔ ababo nye waali; ibli angbeka ngbi efa ka kye iyikpa ma.

¹³ Ongyeso ongwu gyin fo agba mgban, man ani fwo ela tɔkye mi okoko ene mgbi iwashi abashi ndze iyayi Imgbasho nani.

¹⁴ Ela na gbo yi ongyeso ongwu gyin ndze yi agba na gbɛɛ, <<Kye shɛlu engyeso ene ngwu a bwa ma adi mi ekyoo okwulewo mgbi iYufreti nani.>>

¹⁵ Man engyeso ene ngwu a teyi kye ma dzeke le fe obyɪ ne yeye yi egbe yi ofyia beyi onova ma, a

she ma ta gbɛɛ nu ma ngwɔ inggise onyi ikye eta mani.

¹⁶ Ani fwo mmbwo oblakwutɛ ama ndoto mmya ma li imilion ideli efa.

¹⁷ Mmya yi ama oto ma ngwu ani di mi ine odiidi ma to ngha aani: Okpalika mgbi ama pita wo omuma, onbyinbyi vluvlu ye wo omuma dafi ofufu odaka mani. Ikye mmya ntona lu ikye ugaba, mi ondu mgbi ama ola, iwu beyi ofufu odaka le to mi ele.

¹⁸ A ngwɔ inggise onyi ikye eta ma yi iso eta ntoneni: Ola, iwu, beyi ola ofufu odaka nle to mi ondu mgbi mmya ntona mani.

¹⁹ Mfye mgbi mmya ntona dze mi ondu beyi mi odu mgbi ama; ikyesine odu mgbi ama dze dafi ifa, ndze yi ikye li laaba mani.

²⁰ Inggise owamye ama nsisi ngwu iso ntone ngwɔ ma ba ma, di kyatitukwu mi ungwɔ ibwubwe ngwi a le kyo ba kpɔɔ; a nya osunu emese ba, yi adagye abashi, iyudza onzundze okwɔkwɔ, itigbla, ikwutɛ yi ekwɔ ikwukwɔ ngwi ka di naadi fwo hona kyikye ba na ba.

²¹ Naadi a nya yi inggise ongwɔngwɔ yi obudei okyɔkyɔ yi amah hona mmyi mgbi ama oyiiyi kpaa ba.

10

Ongyeso yi ongwaafe ofulu-fulu

¹ Ne ani di ongyeso oka odatu kye esho le ba ese. A tukwun yi akpa, mmbwo di lowa nyan ikye mi esho; ine mgban kwɔ dafi onɔ mani, afɔ mgban di dze dafi otlesɛ ola.

² O kye ongwaafe ofulu-fulu nlasisa byabo. O kye afo mgban abugye tuoke mi onekyoo yi afo mgban abube mi ese,

³ man o si feela okwukwo dafi agwudu otseetse mgbi ugaba mani. Ono ngwi o feela mata, ela mgbi akpala egyafa ntona sandu.

⁴ Ngwi akpala egyafa sandu ne, ani wewo okyi lolu; nghadiu ani fwo ela mi esho gbɛɛ, <<Kye odze ngwi akpala egyafa ntona gbo na da dika kye lolu woke ese ba.>>

⁵ Ne ongyeso ongwu ani teyi din kye afo kwudze onekyoo yi ese na, kyile abugye mgban lu esho.

⁶ Man o fa mbi ongwu ndze oshishe nghataa gyegwu nani, ongwu nta esho yi ese yi onekyoo beyi ungwɔ ama nto mboma duu, di gbɛɛ, <<Ono ombeembe ka dzema wuba!

⁷ Nghadiu mi egbe ngwi ongyeso ongwu gyafa ka wewo ofo agba mgban ma, ungwɔ odaada mgbi Imgbasho ka mbwumbwo, yeye dafi o teyi noola nya engbido mgban ama ogbeese mani.>>

⁸ Ne ela ngwi ani teyi fwo mi esho na diye gbɔdze yi ani kpɔɔ gbɛɛ: <<Lu, ka kyi gbelu afe ofulu-fulu nlasisa mi abo ongyeso nkwudze mi onekyoo beyi ese nani.>>

⁹ Nghane ani ke mbi ongyeso na ka nyan gbɛɛ non kye ongwaafe ofulu-fulu na nu ani. O nya ani gbɛɛ, <<Gbɛ di kye gye. Ka nu ifu mgbi abu maama, kpaa ka fyumfya mi ondu mgbi abu dafi enewo mani.>>

¹⁰ Ani kye gbelu afe ofulu-fulu ongbungbe mi abo ongyeso na kye gye. I fyumfya mi ondu mgbi ani dafi enewo mani, kpaa ngwi ani kye gye mbe ne, ifu mgbi ani ye maama.

¹¹ Ta a nya ani gbɛɛ, <<Abu ka yegbo kyɛmɛ mi ikye inggise ibyibi, emi ɛsɛ yi ondudɛ bɛyi emi utɔ.>>

11

Obwendɛ efa ntonani

¹ Ta a kye agida ndɛ dafi ashi omba ungwɔ mani kye nu ani: di nya ani gbɛɛ, <<Lu ka kye mbalu ozu okwukwo osunu Imgbasho, bɛyi iwashi, di kye gbɔlu mmbwo inggise ama nle sunu mi ele duu.

² Kpaa ka mba ifyudɛ ozu okwukwo osunu Imgbasho na ba, dzanta dzɛkɛ, ikyekyɛ a kye nu Udzengye ntonani: a dika kyɔ itukwu ma mi ogalu osaan mi onova eta yi ofyia egyin.

³ Man ani ka kye mfye nu obwendɛ mgbi ani nghi efa ntonani, a ka kye angwuto ikwu wo di yegbo ɛsɔ mgbi Imgbasho mi onova eta yi ofyia egyin.>>

⁴ Obwendɛ efa ntonɛ li ekwɔ olivi nghi efa mani, bɛyi akoola nghi efa nkwoto iyayi Otɛ Imgbasho mgbi ɛsɛ nɛni.

⁵ Ma ali inggise nmina okyɔ ma ungwɔ yɔ, ola li tɔ mi ondu mgbi ama kye ma gye: li itɔ ofɛ ngwi ali inggise nmina okyɔ ma ungwɔ duu ka kwulu joani.

⁶ A dzɛ yi mfye okye esho tukwu, gbɛɛ ni mmbwo ka kya ba, mi egbe ngwi ama le gbeeso mgbi Imgbasho mani. A di dzɛ yi mfye okyata eni yɛɛ eyi, odi nu ali itɔ iso okwulewo, alono ngwi a mina duu.

⁷ Ono ngwi a ngyelu obwende mgbi ama ma, mmbwaba ongwi nto mi ishe odondu ba na ka gblika yi ama, di ngha ma yi mfyē di ngwo ma.

⁸ Ikwō mgbi ama ka tila la ingofe mgbi ongbodzi ogalu, ngwi a li kwu mi ambē gbē, iSodon yi Igyibiti, imbe ngwi a kye Otse mgbi ama kpaa gbokwo ekwatsi nani.

⁹ Mi egbe eta dō itsitsi, ali inggise mi agwō, ondudze, yi ese ka kyidi ikwō mgbi ama kpaa ka fwa gbē ni a ka kye ma ndzi ba.

¹⁰ Imba mgbi ese ka tsatsa mi ikye ma, di gha ewoma umba, ikyekye oyegbo efa ntonē nu ese iso.

¹¹ Kpaa ngwi i wa nye egbe eta yi itsi nē, mmye kye mbi Imgbasho wa kaka ma, man a kyato dzekunto, idzidzi si kwulu ama ndi mani.

¹² Ta oyegbo efa ntona fwo ela okwukwo kye esho le nya ma gbē, <<Luba esho na.>> Ngwi a le lu esho nē, engyikyili mgbi ama tokē le di ma.

¹³ Mi obyi na yeye ese suusu man onyi mi ikye iwyo mgbi ogalu na dzili. Inggise kwulu idubu egyafa mi ese osuusu nani, ne i kwulu ama nwato ma ewo, a di kye oshewo nu Imgbasho ongwi esho.

¹⁴ Ibli ongwu fan nye waali; ongwu ta kyema dzikan-dzikan.

Agba ongwu gyafa mani

¹⁵ Ongyeso ongwu gyafa fo agba mgbān, man ela ama okwukwo to mi esho le gbē:

<<Esuto ongwi ese yē esuto mgbi

 Otse mgbi eyi yi iKrestu mgbān,
o dika kyuuto nghataa imbise gyegwu.>>

¹⁶ Man engyukwo nghi osudenε, ama nsoto it-suuto mgbi ama mi inai Imgbasho ma tukwukε kye ikye wεεε di sunu Imgbasho.

¹⁷ A le gbεε:

<<Eyi ta abu angba,
Otε Imgbasho onghaangha,
Ongwu ndze onenε di teyi dze,
ikyekye abu kyi kyelu mfye
mgbi abu okwulewo
di wita okyuuto.

¹⁸ Eεε gbeka buntse;
ikyekye onε itingga mgbi abu gyo.

Onε gyo ogbo emi
ikwukwo ikwo wa,
odi nu engbidε mgbi
abu ama ogbεεε umba
beyi emi osaan mgbi
abu yi ama nsunu iyi mgbi abu mani,
ama ongbungbε yi ama nshewo duu;
odi dzili ama ndzili εεε mani.>>

¹⁹ Ta a kwulu ozu okwukwo osunu Imgbasho mi esho, man mi idzidze ozu okwukwo osunun na, a di imu mgbi ondu odzεedze mgban. Man mmbwo naabo ba, imbe le kwadu, akpala le gbo, εεε le suusu, mmbwo akwutε okwulewo di kya.

12

Ongyaa na beyi Ozumenyi

¹ Ambε okwukwo okwulewo to mi esho: ongyaa kye onε wo ewo dafi angwuto, yi ofyia mi atafo mgban beyi okpapyi mce iwyodefa mi ikye mbon.

² O dze yi ifewo ne imba ogboogbo yi owulewo mgbi imba non makwo to dafi o le mbongwe mani.

³ Ne ambɛ oka di to mi esho: ozumenyi omuma okwukwo ndze yi ikye nghi egyafa yi agbe nghi iwyo beyi okpapyi egyafa mi ikye mbon.

⁴ Odu mgban kye fyalu onyi mi ikye eta mgbi mɛɛ di kye ma ngwuta luba ɛɛɛ. Ozumenyi na kwulese dzekiyayi ongyaa nle gblimba nani, ikyegbɛɛ ni ongwu kye ongwɛ na gye mi onɔ ngwi o mba yo.

⁵ O mba ongwongyulo, nka kye ɛɛ duu teyi yi okwuta uto ashashi. A kye lafwan ongwɛ lu mbi Imgbasho ka sɔke itsuuto mgban.

⁶ Ongyaa na si tsinya lu okwɛɛ mi imbe ngwi Imgbasho mɛ dzankɛ ngwi a ka gbɛwɛbyin ofyia ngwusefa don efa mani.

⁷ Man ika kyɛɛ mi esho. IMAikye yi engyeso mgban gblika yi ozumenyi nani, ozumenyi yi engyeso mgban kpaa di gblika yi ama.

⁸ Kpaa ozumenyi fyumfye mɛ ba, man a dze yi imbe mi esho wuba.

⁹ A kye andɛɛ ozumenyi na ngwuta luba ɛɛɛ, ifa tugbe ngwi a kwun di olodu hona iSatan, nkye ɛɛɛ duu wendɛ nani. A kyon ngwuta luba ɛɛɛ yi engyeso mgban.

¹⁰ Ne ani fwo ela okwukwo mi esho gbɛɛ:

<<Onɛɛ owato-wato yi mfye yi esuto mgbi Imgbasho mgbi eyi, yi mfye mgbi iKrestu mgban ba wa. Ikyekye ongwu nle du ongwufabo mbi emi ongwuneyi nya Imgbasho onɔ yi otu ma, a kyon ngwuta luba ɛɛɛ wa.

¹¹ A nghan mi eyi mgbi Ongwummala beyi elodze mgbi ama okyo obwendε mani; a di os-hishe mgbi ewoma kpa ma itukwu nyese ba, nghanε a kye onbukwo nu eba.

¹² Nghanε ema ama nto esho tsatsa na!

Kpaa ahoo mbi εε beyi onekyoo, ikyekye olodu lu εε mbi ema!

O mbwo yi itingga, ikyekye o ye gbεε onε mgban le gbu ba.>>

¹³ Onε ngwi ozumenyi difwi gbεε a kye ongwu ngwuta luba εε nε, o si wita olε ongyaa nmba ongwongyulo na onya.

¹⁴ A kye asha mgbi uyεε okwukwo nghi efa nu ongyaa na, ikyegbεε non bulu lu okwεε mi imbe ngwi a mε dzεkε ikyon nani, imbe ngwi a ka gbekabyin mi onova eta dε itsitsi, ngwi ozumenyi na ka to gbε ba mani.

¹⁵ Nε ifa na tuye eni mi ondu mgban dafi ekyoo mani lukwu ongyaa nani, ikye ni eni gben lu.

¹⁶ Nghaduu ikpεε ya ongyaa na abε okwulu ondu mgban kye ekyoo ngwi ifa na tuye mi ondu na mbe.

¹⁷ Ta ozumenyi si kyitingga kpakpa yi ongyaa nani. Nghanε o wuta ika yi etε mgban ama nsisi duu. Ama nsunu ola mgbi Imgbasho di kwudzεkε mi obwendε mgbi iYesu mani.

¹⁸ Man ozumenyi na si kwudzεkε mfyān mi onekyoo.

13

Mmbwaba efa ntonani

¹ Ta ozumenyi na tε mi ekyoo dεkε mfyān. Ani di di mmbwaba tεkyε onekyoo. O dze yi agbe nghi

iwyo beyi ikye egyafa, yi okpapyi iwyo mi agbe mgban ntonani, ma mi ali ikye mgban duu, o dze yi iyi ofya Imgbasho ito mi ele.

² Mmbwaba ngwi ani di ma lu ishafwan, kpaa o dze yi afo dafi afo mgbi mndi di dze yi ondu ito mgbi ugaba mani. Ozumenyi na kye enepɛ mgban nu mmbwaba na yi itsuuto beyi mfye okwulewo.

³ I dze dafi ikye mgbi mmbwaba na oka dze yi ifwa okwukwo mi ele, nghaduu ifwa na myɛ. Nɛ i kwulu ɛɛ duu ewo man a kyɛdo mmbwaba nani.

⁴ Inggise duu sunu ozumenyi na ikyekye o kye mfye nu mmbwaba nani, a sunu mmbwaba na di byita gbɛɛ, <<Li emɛ gyɔ yi mmbwaba nɛ? Li emɛ ka kye afo twɛsɛ gblika yan gbɛ?>>

⁵ A nu mmbwaba na ondu ogbo elodze mgbi ewo okyile esho yi ito ofya Imgbasho, odi kyo mfye mgban mi egbe idubu onyi, ideli efa yi ngwuseta.

⁶ O kwulu ondu ofya Imgbasho ito, di mben iyi, yi imbe ngwi o dze beyi ama nto esho duu.

⁷ A nun mfye ogblika yi emi osaan di ngha ma. A di nun mfye mi ikye ali udze, inggise, ondudze beyi ɛɛ duu.

⁸ Ama ngwu a lo ma iyi mi afe mgbi Ongwum-mala duuse ni a ta ɛɛ ba duu, ka sunu mmbwaba nani.

⁹ Inggise ndze yi ado yo, no fwo.

¹⁰ Inggise ama ndze gbɛɛ

a ka kwu ma ofyɛɛ yo,

li ofyɛɛ ngwi a ka kwu ma.

Ama ndze mbiso a ka

ngwo yi okwusunkli yo,

li mi okwusunkli ngwi a ka ngwo ma.

Ungwone mina onyotse okwu-kwu yi itukwu oshiishi beyi okwudze mi otsitsi mi aye mgbi emi osaan.

Mmbwaba nto mi ikpese mani

¹¹ Ne ani di mmbwaba oka, tokye ikpese. O dze yi agbe nghi efa dafi ongwummala, kpaa o gbodze dafi ozumenyi mani.

¹² O li kyo ali mfye mgbi mmbwaba ongwi ababo na duu gbikyon, di li nu ese yi ama nto ele duu sunu mmbwaba ongwi ababo, ongwu ifwa mgban okwukwo mye nani.

¹³ O di kyo ambe ama okwulewo ogbagbadzidzi, onoola to mi esho ba ese ni inggise duu di.

¹⁴ Mi ikye ambe ama ngwi a nun mfye gbese non kyo gbikye mmbwaba ongwu ababo ne, o kpagya inggise ama nto ese ne wo. O wo ma ola gbese nu ma tuo adagye ikye okye mmwe nu mmbwaba ongwu ma tanmmya yi okwusunkli kpa ka dze oshishe nani.

¹⁵ A nun mfye okye mmye wo adagye mgbi mmbwaba ongwi ababo nani, ikyegbese non gbodze odi ngwo ama nfwu osunu adagye na mani.

¹⁶ O di si ali inggise duu, ama ogyengye yi ama oshewo, emi aludu beyi emi adze, ama nbyabo ewoma beyi ofyee, gbese nu ma gbe ambe mi abugye hona ebeshu mgbi ama,

¹⁷ ikyegbese ni inggise onyi kpaa ka gya ungwo hona kye ungwo gya ba, sede non dze yi ambe, ngwi li iyi mgbi mmbwaba na naadi mmbwo ngbikye iyi mgban mani.

¹⁸ Ungwone mina ozoyeye. Inggise ndze yi ine odiidi yo, no kye gbolu mmbwo mgbi mmbwaba

ntoneni, ikyesine li ambe mgbi inggise. Ambe mgban li egyin egyin egyin.

14

Ongwummala yi emi idubu ideli onyi ngwusefa don ene ntonani

¹ Ne ani ndine, ta mi iyayi mbi ani Ongwummala dze, kwudzeke Unggwɔ iDzayɔn, ama nto biyan li ama ngwu a lo iyi mgban beyi Otson mi ebeshu mboma mani.

² Man ani fwo adu kye esho dze dafi agwudu mgbi eni ofe-fe beyi adu mgbi akpala okwukwo. Adu ngwi ani fwo ma dze dafi mgbi ama ogbla ozuna le gbla ozuna mgbi ama mani.

³ Ta a shashi ofufe mi iyayi itsuuto yi atta owamye nghi ene beyi engyukwo ntonani. Inggise onyi kpaa yagba kpayi ashi ma ba, sede li inggise idubu ideli onyi ngwusefa don ene ngwu a dulu ma wato mi ese ma ta.

⁴ Ntone li ama nmbe ewoma yi engyaa ba mani, lubana a kye ewoma dze saan. A li kyedo Ongwummala ali imbe ngwi o ke duu. A gya ma gyaagya mi idzidze inggise di kye ma fife nu Imgbasho beyi Ongwummala dafi ungwogyee ofufe mani.

⁵ A fwo onya omwaamwa mi ondu mgbi ama ye ba; a dze yi obube ba.

Eso mgbi engyeso eta

⁶ Ne ani di ongyeso oka le bulu mi esho, o dze yi eso mgbi oshishe gyegwu ogboogbo ndze mi ikye mgbi inggise ama nto ese neni, yi agwo yi ondudze beyi ali inggise duu.

⁷ O gbo mi ela okwukwo gbɛɛ, <<Mio Imgbasho di kye okwɔkwɔ nun na, ikyesine obyi mgban ogbiikwɔ ma gyɔ wa. Sunu ongwu nta esho yi esɛ, onekyoo bɛyi imbe eni le lu nani.>>

⁸ Ongyeso ongwu fan kyɛdɔ di gbɛɛ, <<Angbodzi iBabylon bulu wa, nɛnɛ li ogalu ngwi nu esɛ duu fya mi amah mgban nani.>>

⁹ Ongyeso ongwu ta kyɛdɔ ma di gbo mi ela okwukwo gbɛɛ: <<Inggisɛ nsunu mmbwaba yi adagyɛ mgban di gbɛ ambe mgban mi ebeshu naadi mi abɔ yɔ,

¹⁰ ongwu kpaa ka wa eneekwɔ itingga mgbi Imgbasho, ngwi a kye yaokɛ mi abumfye mi ibwɛ itingga* mgban nani. A dika nun iso yi ola ofufu odaka mi inai engyeso osaan bɛyi inai Ongwummala.

¹¹ Man iwu iso mgbi ama ka du nghataa gyegwu. Onya dzɛma ba otu yi onɔ mbi ama nsunu mmbwaba na bɛyi adagyɛ mgban, hona mbi ali inggisɛ ngbɛ ambe mgbi iyi mgban duu.>>

¹² Ungwɔnɛ mina itukwu oshiishi mi aye mgbi emi osaan ama nngyo ola mgbi Imgbasho di kwulɛsɛ mi otsitsi mbi iYesu mani.

¹³ Nɛ ani fwo ela kye esho gbɛɛ, <<Kye lolu ungwɔnɛni: <<Ogbumse li emi ikwukwɔ ama nkwulu mi ifu Otse wita onɛnɛ nghataa lu iyayi.>>

Onodzi gbela gbɛɛ, <<Ɛɛn, a ka tonya mi idɔ mgbi ama okyɔɔkyɔ, lubana okyɔɔkyɔ mgbi ama ka kyɛdɔ ma.>>

A shɛ ɛsɛ dafi a li shɛ eto nɛni

* **14:10 14:10** Ibwe itingga tso gbɛɛ, a ka gye iso ngwi Imgbasho li nu ama nkyitingga mani

¹⁴ Ani ndine, man akpa gbosa mi iyayi mbi ani, ne ongwu nsodze mi akpa na ma li inggise ndze <<Dafi Ongwe Inggise mani>> yi akata abashi mi ikye beyi agebe ogyigye mi abo mgban.

¹⁵ Ne ongyeso oka tase mi ozu okwukwo osunu Imgbasho si wa inggise ngwu nsodze akpa na ela gbee, <<Kyelu agebe mgbi abu wita osho, ikyekye ono osho-sho gyo, lubana eto mgbi ese nye wa.>>

¹⁶ Nghane ongwu nsodze akpa ma si ngwi agebe mgban mi ese man kyi shelu ese dafi eto mani.

¹⁷ Ongyeso oka di tase mi ozu okwukwo osunu Imgbasho mi esho, ongwu kpaa di dze yi agebe ogyigye.

¹⁸ Ongyeso oka kpoo, ongwu nle di mi ola, kye mi iwashi wa wa ongwu ndze yi agebe ogyigye na ela gbee, <<kyi kyelu agebe mgbi abu ogyigye na kye shelu awawa ekwo onaana mi ese, ikyekye eto mgban obube nye wa.>>

¹⁹ Ongyeso na ngwi agebe mgban mi ese man kye shelu awawa ekwo onaana obube ntonani. O gbe ma ngwuta yaoko ishe imbe ngwi a kye afo jiye ma[†], otso itingga mgbi Imgbasho.

²⁰ Ishe ngwi a kye afo todo ma ma dze ifu ogalu ba. Ne eyi si fe to mi ishe na shigbo me o do mmya onbukwo, fe lu dafi imai ideli onyi yi ngwusene sini.

15

Engyeso egyafa yi iso egyafa

[†] **14:19 14:19** Awawa ekwo onaana na a li gbe yaoko ishe kye afo todo ma ikye okye kalu eni yee eneekwo

¹ Ani di ambe oka okwulewo kpakpa mi esho; engyeso nghi egyafa yi iso egyafa emi olele, ikyekye yi iso ntone itingga mgbi Imgbasho ngye.

² Ani di di ungwɔ ndze dafi onekyoo idzinggi ngwuo yi ola, mi ele ma inggise ama nngba mmbwaba na ika beyi adagye mgbani yi iso mgbi iyi mgbani ma kwudze to ele. Ali inggise mgbi ama byi ozuna ngwi Imgbasho gbe nu ma mani

³ di shashi mgbi iMose ongbido mgbi Imgbasho beyi ashi mgbi Ongwummala gbɛ:

<<Ogbagbadzidzi beyi okwulewo li ungwɔ

mgbi abu okyɔɔkyɔ,

Otse Imgbasho onghaangha.

Ofe mgbi abu li otsitsi yi oyeye,

Uto mgbi ese duu.

⁴ Li eme ka tsio abu ba, Otse,

di kye mmwe nu mi iyi mgbi abu ba?

Lubana li abu yuo le saan.

Ese duu kawa sunu abu,

ikyesine ali mgbi abu osaan tsoto wa.>>

⁵ Ngwi ungwɔ ntone nye ne, ani di a kye kwulu ozu okwukwo osunu Imgbasho mi esho beyi iTabenako Obwende nani.

⁶ Mi ozu okwukwo osunu Imgbasho na, engyeso egyafa to yi iso nghi egyafa. A wo angwuto ondlendle gbosine kwɔ yi okpa abashi bwato igɛge mgbi ama.

⁷ Ne onyi mbi atta owamye nghi ene ntona kye uga abashi egyafa nu engyeso egyafa ntona yi itingga mgbi Imgbasho mi ele kye, Imgbasho ndze oshishe gyegwu neni.

⁸ Ne iwu mi okwɔkwɔ beyi mfyɛ mgbi Imgbasho gbɛ ozu na so man inggise onyi kaka ele wuba

nghataa iso egyafa mgbi engyeso egyafa ntona mbwumbwo.

16

Uga itingga mgbi Imgbasho egyafa

¹ Ne ani fwo ela okwukwo kye mi ozu okwukwo osunu Imgbasho le gbo yi engyeso egyafa ntona gbɛɛ, <<Kɛ ka kye uga itingga mgbi Imgbasho egyafa ntona yangwuta mi ɛɛ na.>>

² Ta ongyeso ongwu ababo kɛ ka kye uga mgban yangwuta mi ɛɛ, man indza okpɛkpɛ yi owulewo gbɔfwe to mbi inggisɛ ama ndzɛ yi ambɛ mgbi mmbwaba di li sunu adagyɛ mgban mani.

³ Ongyeso ongwu fan kye uga mgban yangwuta mi onekyoo, man i kyata yɛɛ dafi eyi mgbi inggisɛ ikwukwo mani, ta ungwɔ oshishe ama nwoto onekyoo duu kwulu.

⁴ Ongyeso ongwu ta kye uga mgban yangwuta mi egyoo bɛyi ibu, man a yɛɛ eyi.

⁵ Ne ani fwo ongyeso ongwu nle di mi eni ma gbɛɛ:

<<Abu li emyemyɛ mi ikwo ntoneni

abu ndzɛ onɛnɛ di teyi dzɛ,

abu Imgbasho Osaan,

ikyekyɛ abu dzɛ yi mfye

ogbiikwo mi ito ofɛ nɛni;

⁶ lubana a dzɛ eyi mgbi emi osaan

mgbi abu yi ama ogbɛɛɛ,

abu di kye eyi nu ma wa dafi

i gbuo yi ama mani.>>

⁷ Man ani fwo ela nu uka mi iwashi gbɛɛ:

<<ɛɛn, Otse Imgbasho Odatu,

ikwɔ mgbi abu li oyeyɛ di li otsitsi.>>

⁸ Ongyeso ongwu nɛ kye uga mgban yangwuta kyikɛ onɔ, man a nu onɔ mfyɛ odzɛ inggise ola yi otseɛtse mgban nani.

⁹ Olola nkwulewo na to ma ta a fya iyi Imgbasho ongwu nle di mi ikye iso ntonɛ nɛ ito, kpaa a fwa okyatitukwu di kyile iyi mgban desho.

¹⁰ Ongyeso ongwu da kye uga mgban yangwuta mi itsuuto mgbi mmbwaba nani, ta iifu byakpa kyi gbɛlu esuto mgban sɔ, man iso nu inggise wita ole la ewoma aba mi idɛ

¹¹ di fya Imgbasho ongwi esho ito mi ikye iso bɛyi indza mgbi ama nani, kpaa a fwa okyatitukwu mi ungwɔ ngwi ama pepɛ kyɔ mani.

¹² Ongyeso ongwu gyin kye uga mgban yangwuta mi ekyoo ogbagbadzidzi iYufreti nani, man eni mgban si ngwɔ ikye omɛ ofɛ mi ikye uto ama nkyɛ mi onosa mani.

¹³ Nɛ ani di onodzi ibwubwe nghi eta nto dafi alio mani; a tɔ mi ondu mgbi ozumenyi, tɔ mi ondu mgbi mmbwaba di tɔ mi ondu mgbi oyegbo atsika.

¹⁴ A li onodzi emɛsɛ tole kyɔ ambɛ okwulewo, a di li tase kɛ mbi emi uto mi ɛsɛ duu, okwu ma kwakye mi ikye egbe ika okwulewo mgbi Imgbasho onghaangha nani.

¹⁵ Wɛ di iYesu gbɛɛ, <<Dii, ani ka ba dafi emumyi mani! Ikyese ka dzɛ yi inggise nkwasisa di gbe angwuto mgban tokɛ biyan, ikye ni ongwu ka kye ibiba di kye iba mgban dɛsɛ ba mani.>>

¹⁶ Nɛ onodzi ibwubwe ntona kwu uto kwakye mi imbe ngwi a li kwun mi ondu iHibru gbɛɛ Amagidon nani.

¹⁷ Ongyeso ongwu gyafa ma kye uga mgbán yangwuta mi awo, man ela okwukwo tó mi ozu okwukwo osunu Imgbasho mi itsuuto, le gbée, <<I ngye wa!>>

¹⁸ Man mmbwo naabo, gbaadu, akpala gbo ese di suusu kpakpa. Esee osuusu onyi kpaa gyo yi ongwune waba wita mi onó ngwi a ta inggise nghataa ba oneneni, Esee osuusu ne timbi ngha duu.

¹⁹ Ogalu okwukwo na gha aye eta, ta ogalu mi ese duu gbobu. Imgbasho we Angbodzi iBabylon man kye ibwe eneekwo itingga mgbi ongwu kye nun.

²⁰ Ali ibu duu tsebyulu, unggwo kpaa a di ma wuba.

²¹ Akwutse mmbwo nshe ngwi undo ma me ideli onyi kye esho wa le gye inggise. Man a nya Imgbasho agya mi ikye iso mmbwo akwutse nani, ikyekye iso na kwulewo kwuba.

17

Owagbai beyi mmbwaba

¹ Onyi mbi engyeso egyafa ama ndze yi uga ma ba wa gbo yi ani gbée, <<kwa, n ka tso abu ado okwookwo mgbi andefe owagbai ongyaa, nsodze ikye eni ibyibi neni.

² Uto emi ese ne li kyo amah yan, imba mgbi ese di li fya mi eneekwo amah mgbán.>>

³ Ne ongyeso na kye ani mi Onodzi lu imbe okplagada. Mmana ani di ongyaa sodze mmbwaba omuma bletete a lo ito ofya Imgbasho kpatse ewo mbon, o di dze yi ikye egyafa yi agbe iwyo.

⁴ Ongyaa na mɛ ewo mi angwuto omuma vlu-vlu bɛyi omuma jaan hini, dile kwɔ yi abashi, ikwutɛ onyina-nyina bɛyi ikwutɛ okwɔkwɔ mi ifu mgbangyilole. O kye inumbɛ abashi ngwi ungwɔ ama okpɛkpɛ bɛyi ungwɔ ama otsiidza mgbi amah mgban woto ele ma byidze abɔ.

⁵ A lɔn iyi mi ebeshu gbɛ: ANGBODZI IBABY-ILON, ONO OWAGBAI DUU BɛYI UNGWɔ AMA OKPɛKPɛ MI ɛSɛ.

⁶ Ani di dafi ongyaa na wa eyi mgbi emi osaan le fya mani, eyi mgbi ama nle kyɔ obwendɛ mi ikye iYesu.

Ngwi ani din ma i kwulu ani ewo kpakpa.

⁷ Ne ongyesɔ na nya ani gbɛ: <<Kycsinɛ ngwi i kwulu abu ewo? N ka nu abu osa mi iba mgbi ongyaa na bɛyi mgbi mmbwaba ngwi o le to, ndzɛ yi ikye egyafa bɛyi agbe iwyo nani.

⁸ Mmbwaba ngwi abu di nani, teyi dze, onenɛ o dzɛma wuba, dika wa tase mi ikplishe di lu mi odzili-dzili mgban. Ka kwulu inggisɛ ama nto ɛsɛ, ama a teyi lo ma iyi mi afe mgbi oshishe ba kye mi onɔ ngwi a ta ɛsɛ ma ewo, mi onɔ ngwi abu di mmbwaba nani, ikyekye o teyi dze, onenɛ o dzɛma wuba, nghaduu o dika waba.

⁹ Ungwɔnɛ mina ozoyeye. Ikye egyafa ntonɛ li unggwɔ egyafa ngwi ongyaa na sɔdze efu nto-nani.

¹⁰ A di li uto nghi egyafa. Eda toma wuba, onyi kale kyuuto ma, oka ma ba wa ba; kpaa non wa ba yɔ, li kyemɛ ngwi o ka kyuuto mi ongwono gwee ta.

¹¹ Mmbwaba nteyi dze, kpaa onenɛ o dzɛma wuba na, li uto ongwu gyata. O dze dafi egyafa

ntonani, kpaa o le ba ikye ni a wa dzilin kyoona.

¹² Agbe iwyo ngwi abu di na li uto nghi iwyo ama ntu esuto waba, ama nkawa gbe mfyee dafi uto ononyi yi mmbwaba na di kyuuto mi ong-wono gwee mani.

¹³ Oweka mgbi ama li ungwonyi, a dika kye owekwo beyi mfyee mgbi ama nu mmbwaba nani.

¹⁴ A ka gblika yi Ongwummala, kpaa Ongwummala ka ngha ma ikyekye o li Otse mgbi emi otse di li Uto mgbi emi uto, ama ndi kye yi Ongwummala ma, li ama ngwu a kwu ma ela kwu-kwu, sadu-sadu ma, a di li ama nkwardze mi otsitsi.>>

¹⁵ Ne ongyeso na nya ani gbee, <<Eni ama ngwi abu di ngwi owagbai ongyaa sode ele ntona, li inggise, ibyi inggise, agwo beyi ondudze.

¹⁶ Mmbwaba beyi agbe iwyo ngwi abu di na, ka di owagbai ongyaa na tanyi. A ka non yee abubo di non dze ibiba; a ka gyon ikpewo di kyon toola.

¹⁷ Lubana li Imgbasho nu uto ntona duu tsewodze ungwonyi di gbela kye mfyee mgbi ama nu mmbwaba nani. A dika kyungwone nghataa elodze ngwi Imgbasho gbo ma ka mbwumbwo.

¹⁸ Ongyaa ngwu abu di na li ongbodzi ogalu nle di mbi ali uto mi ese duu.>>

18

Ese ogboogbo mgbi iBabylon

¹ Ngwi ungwone wa nye ne ani di ongyeso oka kye esho le ba ese. O dze yi mfyee okwulewo, man okwoko mgban nu ese gbosa.

² O feela mi ela okwukwo gbee:
<<Oblu-blu! Oblu-blu li Angbodzi iBabylon!

O yee ude emese beyi imbe mgbi ali onodzi
ibwubwe
beyi imbe mgbi ingwuno ama ntsiidza di kyili-
tukwu.

³ Ikyesine ese ama okwukwo
tsatsadu wa fyebye amah mgban.
Uto emi ese ne kyo amah biyan,
man ama okyummya mi ese ne yee emi
aludu mi ikye imina mgban obube nani.>>

⁴ Neta ani fwo ela oka kye esho gbæ:
<<Tase mbon na, emidani,
ikye ni ema ka waabo mi ali ibwubwe mgban
na ba,
adzi ni ema ka wo iso nka ba
mbon ntona ba mani;

⁵ lubana ali ibwubwe mgban
kwutoke shigbo to esho,
Imgbasho di we ungwo ibwubwe mgban.

⁶ Nun dafi o teyi nu abu mani;
kpan mkpa dudo mi ungwo ngwi
o teyi kyo mani.

Yawon ungwo owaawa mi ibwe
no dze mgban ma wo.

⁷ Nun iso yi owulewo kpakpa
dafi o nu ewon okwokwo
beyi oshishe omyee-myee mani.

Ikyesine mi itukwu mgban o tsaabo igege gbæ,
<Mmene ani sodze dafi Apodza mani;
ani li owakwade ba,
ani dika kye abo tiko kpa ba.>

⁸ Ikyenghane, iso ka gban so:
ikwongye yi abo otiko yi ootse yi owulewo
beyi onenbwa omba enbwa ka ba mbon mi
egbe onyi.

Ola ka kyon gye,
lubana Otse Imgbasho ogbon ikwo ma datu.

⁹ Ono ngwi utu emi ese ne ama nkyo amah biyan di kyo oyabo mi omyee-myee mgban di iwu mgbi ola ogyeegye mgban yo, a ka tsukwu di kye abo tiko ikyon.

¹⁰ Iso mgban ka wo ma imio, man a ka kwudze fyata le gbese:

<< <Aho! Aho, ogalu ogbagbadzidzi,
Eye iBabyilon,

ogalu mfye!

Mi obyi onyi ta Imgbasho fwo abu ikwo waana!>

¹¹ Ama okyummya mi ese ne ka tsukwu di kyelela ikyon, ikyekye inggise onyi le gya ma okye wuba

¹² okye abashi yi iyudza onzundze okwokwo yi akwutse osunse mi ifu mgbangyilole beyi akwutse itagwude; angwuto ondlendle, angwuto omuma shinishini yi angwuto ovelevele yi angwuto omuma jaan; ali ito afutse ama ogbungbe beyi ali ito idabo ngwi a kyo mi eve mnii duu yi ekwo ama ofyumfye mmya yi itigbla yi iyudza beyi ikwutse osunse;

¹³ okye akwukwu mgbe, mgbi otse oge iwu, engyie ofyunfummya ogbungbe beyi ofufu otse otoola, enekwo beyi engyie olivi, ofumbu osuse beyi alakama; mnda yi mmala; mmya yi ungow ogbe okye sha ma; yi emi ofyee.

¹⁴ <<A ka gbese, <Ungwo osuse nmina abu otu duu ma lu dze abu ta wa. Aludu beyi okwokwo mgbi abu duu byulu, o ka ye tu ma wuba.>

¹⁵ Ama okyummya ungwɔ ntonɛ nɛ, ntu aludu mbon ma ka kwudze fyata, yi imio ewo mi iso mgban ogyeegye. A ka tsukwu di kyelela

¹⁶ di kwu-ela tɔ gbɛɛ:

<< <Aho! Aho, angbodzi ogalu,
nmewo mi angwuto ondlendle,
angwuto omuma shinishini beyi omuma jaan,
dile kwɔ yi abashi, akwutɛ osunse yi ak-
wutɛ
osunse mi ifu mgbangyilole!

¹⁷ Mi ongwonɔ gwee nɛta,
onikyo aludu mgbi ogalu nɛ bulu ngyɛ!>

<<Ali inggise ama ofa iwudza eni, yi ama odzagaba mi iwudza eni duu, yi ama okyido mi iwudza eni, yi ama okyummya nye ongwi onikyekyoo duu, ka dzɛkɛ mbotunto mbyoo.

¹⁸ Ni a wa di iwu oduudu mgbi ogyola-gyola mgban ma, a ka gbobakwɔ gbɛɛ, <Ogalu oka teyi dzɛma dafi ongbodzi ogalu nɛ jo?>

¹⁹ A ka gbe abɔ dikye, le tsukwu di kyelela gbɛɛ:

<< <Aho! Aho, ongbodzi ogalu,
imbe ngwi ama ndze yi iwudza eni
mi ekyoo okwukwo duu
yɛɛ emi awuya ikpewo aludu mgban!
Mi ongwonɔ gwee ta, o bulu waana!

²⁰ Fline won na, emi esho!
Tsookwa won na, emi osaan yi ama ogbikye iYesu beyi ama ogbɛɛse!
Imgbasho fwon ikwɔ mi ungwɔ ngwi
o kyo yi ema ma wa.> >>

²¹ Nɛ angbodzi ongyeso kyi kyelu ofishi nshe dafi onikwɔ okpinangwɔ mani kye ngwuta woke ekyoo okwukwo, si gbɛɛ:

<<Yi ito abumfye nani
 a ka kye angbodzi ogalu iBabylon
 ngwuta lu ese,
 a ka din wuba.

²² A ka fwo ela ozuna beyi ungwɔ ogboogbo, yi
 oca ofofo beyi agba ofofo, mbi abu wuba.

A ka tu inggise idabo
 onyi mbi abu wuba.

Ela inangwɔ okpaakpa
 ka dede mbi abu.

²³ Osa ipitila ka tsoto
 mbi abu wuba.

A ka fwo ela obongyaa
 ofufe beyi ongyaa ofufe mbi abu wuba.

Ikyekye ama okyummya mgbi
 abu nose ngha mi ese duu.

O nu ese duu boofe mi obudei mgbi abu.

²⁴ A tu eyi mgbi ama ogbeese yi emi osaan,
 beyi inggise ngwu a
 ngwɔ mi ese duu mbon.>>

19

Atsa mi esho

¹ Ngwi ungwɔne wa nye ne, ani fwo ungwɔ dafi
 agwudu otseetse mgbi ibyi inggise mi esho le wulu
 gbɛɛ:

<<Tse Imgbasho!

Owatɔ-watɔ yi okwɔkwɔ beyi
 mfye li mgbi Imgbasho mgbi eyi,

² ikyesine ikwɔ mgban li otsitsi di li ayin.

Lubana o ngwɔ angbodzi owagbai ongyaa
 ongwu nkye ese kyi mbee yi
 amah mgban ogboogbo na ikwɔ.

Imgbasho yile mkpa kpan ikyekye o ngwo eng-
bido mgban.>>

³ A diye wulu gbɛ:

<<Tse Imgbasho!

Iwu nto mbon na lu
esho gyegwu-gyegwu.>>

⁴ Engyukwo osudene beyi atta owamye nghi ene
lake ese di sunu Imgbasho, nsode itsuuto nani. A
gbɛ:

<<No dze ngha,

Tse Imgbasho!>>

⁵ Ne ela to mi itsuuto na, le gbɛ:

<<Tse Imgbasho mgbi eyi,
ema engbido mgban duu,

ema nli mion,

wita mbi ama oyeyikpa nghataa

lu mbi ama onghaangha duu!>>

⁶ Ne ani fwo ungo dafi agwudu mgbi ibyi
inggise, dafi okadu-kadu mgbi eni beyi onikyo
akpala, le wulu gbɛ:

<<Tse Imgbasho!

Ikyesine Otse Imgbasho mgbi eyi

Onghaangha li uto.

⁷ Ni eyi tsatsa di she ewo ta di nun mmwe!

Ikyekye eba okwokyiikwokyi mgbi

Ongwummala go wa,

ongyaa ofufe mgban ma

wewo dze le fe-fe.

⁸ A kye angwuto ondlendle,

nkwokwo di gbosine,

kye nun gbɛ no kyi wo.>>

(Angwuto ondlendle ne, li ambe mgbi ali osaan
mgbi emi osaan.)

⁹ Ne ongyeso na nya ani gbɛɛ, <<Lɔ gbɛɛ: <Og-bumse li ama ngwu a bɔɔ ma oga ongwɪ onɔdɛ mgbi eba okwokyiikwokyi mgbi Ongwummala mani!> >> O di kiyayi gbɛɛ, <<Ntone li elodze otsitsi mgbi Imgbasho aani.>>

¹⁰ Mi odze nɛ, ani gbɛɛ lanke iyayi ikye osu nun. Kpaa o nya ani gbɛɛ, <<Ka kye ngha ba! Ani kpaa li ongbidɔ ungwonyi yi abu beyi engwunabu ama nkyc obwendɛ mi ikye oyeye mgbi ama mbi iYesu mani. Sunu Imgbasho! Lubana itɔdze mgbi oyegbɔ yɔ, li onu obwendɛ ngbosa mi ikye iYesu.>>

Ongye oto mmya dɔdze mmya onzundze

¹¹ Ta ani di esho kwulu ladze man mmya onzundze kwudze mi iyayi mgbi ani, ongye otɔn ma a kwun gbɛɛ Oyeye beyi Otsitsi. Yi emyemye o li gbiikwɔ di gblika.

¹² Inɛ mgban dze dafi ola onaabɔ mani, okpapyi dile kwuba mi ikye mgban. A lon iyi mi ewo ngwi inggise onyi kpaa ye ba li ongwu yuon ta.

¹³ O meewo mi angwuto ngwi a kye tswoke eyi, ma iyi mgban li Elodze Imgbasho.

¹⁴ Oblakwutse emi esho le kyedɔn, le tɔ mmya onzundze di wo angwuto onzundze, ondlendle gbosinɛ.

¹⁵ Okwusunkli ogyigye ngwi o ka kye kwɔdze ɛɛ tɔ mi ondu mbon. <<O ka kye ma teyi yi okwuta uto ashashi.>> O ka nu itingga okwulewo mgbi Imgbasho Onghaangha tɔ, dafi a kye afɔ jiyɛ awawa ekwɔ ni eni tɔ mi ele neni.

¹⁶ A lɔ iyi dɔdɛ angwuto mi oba agya ita mgban gbɛɛ:

UTɔ MGBI EMI UTɔ BɛYI OTSɛ MGBI EMI OTSɛ,

¹⁷ Nɛ ani di ongyesɔ kwudɛ onɔ, o kwu ingwunɔ ama nle bulu mi esho duu ela okwukwo gbɛɛ, <<Ba wa kwakye yi eka mi onikyɔ oga onzwi onɔde mgbi Imgbasho nɛ na.

¹⁸ Ba na adzi ni ema gye mmbwɛ mgbi emi utɔ yi emi agyegika yi emi angbodzi inggise yi mmbwɛ mmya yi ama otɔ ma yi mmbwɛ mgbi ali inggise duu, ama nbyi abɔ ewoma yi ofyɛɛ yi ama oyeyikpa bɛyi ama olongbɔ duu.>>

¹⁹ Neta ani di mmbwaba na bɛyi utɔ emi ɛsɛ nɛ yi ama oblakwutɛ mgbi ama kwakye yi eka ikye ogblika yi inggise otɔ mmya na bɛyi obyɪ oblakwutɛ mgban.

²⁰ Kpaa a kyɪ bwalu mmbwaba nani, bɛyi ama ogbɛɛsɛ atsika ama nkyɔ ambɛ ama okwulewo ikye mgban mani. Yi ambɛ okwulewo ntonɛ, o kpagya ama ngbɛ ambɛ mgbi mmbwaba di sunu adagyɛ mgban ma wo. Ama efa duu, a gbe ma ngwuta wokɛ utɔ mgbi udola nle gbɛ yi ofufu odaka mi ele.

²¹ Ama nsisi ma a ngwɔ ma mi okwusunkli ntɔ mi ondu mgbi ongwu nle tɔ mmya mani, man ingwunɔ duu kwakye gye ikwɔ mgbi ama di kwoolo.

20

Onova idubu onyi

¹ Ta ani di ongyesɔ tɔkyɛ esho le ba esɛ, byɪ ungwɔ okwulu ikplishɛ di byɪ itse okwulewo mi abɔ mgban.

² O kyi bwalu ozumenyi, ifa tugbe nani, ongwu a li kwun di olodu, naadi iSatan nani, di tan itse mi onova idubu onyi.

³ O kyon ngwuta woke ikplishe nani, kye tukwulu di kyi kwobe ikye otukwun ofe ole kpagya ese wo nghataa ni onova idubu onyi na wa ngye se. Ni ungwɔ na wa nye yɔ, li kyeme a kawa dulun mi itse mi ongwono gwee.

⁴ Ani di itsuuto, ama nsoto ele ma li ama ngwu a nu ma mfyee gbɛɛ nu ma gbiikwɔ. Ani diyee di oshishe mgbi ama ngwu a dze ma ikye mi ikye obwende mgbi ama mi odze iYesu beyi ikye elodzimbasho. A sunu mmbwaba na naadi adagye mgban ba, a di gbɛ ambe mgban mi ebeshu hona mi abo mgbi ama ba. A ye wa dze oshishe di kyuuto yi iKrestu mi onova idubu onyi.

⁵ (Emi ikwukwɔ angbeka nsisi duu kyee mi ikwu ba nghataa onova idubu onyi na ngye.) Nene li okyee-kyee mi ikwu ongwi ababo mani.

⁶ Ikyese beyi osaan dze yi inggise ama nwodze mbi ama nkyee mi ikwu ongwi ababo nani. Ik-wongye ongwu fan dze yi mfyee ikye ma ba, a ka li ama ofife mgbi Imgbasho beyi mgbi iKrestu dika kyuuto biyan mi onova idubu onyi.

Ika ngha iSatan

⁷ Ni onova idubu onyi na wa ngye yɔ, a ka she iSatan adi mi obawi.

⁸ Ta o ka to lu oka kpagya ese ngwi a kwu ma di iGogu beyi iMagogu wo mi ayese ene ntoneni, ikye okwu ma kwakye gblika. A mbwo dafi mfyian mi onekyoo mani.

⁹ A gbofwe kpatse ese di lawo imbe emidi Imgbasho lato beyi ogalu nkpan itukwu nani. Nghaduu ola kye esho ba ese wa kye ma gye.

¹⁰ Ta olodu, nkpagya ma wo ma, a kyon ngwuta woke uto ola nle gbe yi ofufu odaka, imbe ngwi a teyi kye mmbwaba na beyi oyegbo atsika ngwuta woke nani. A kale nu ma iso otu yi ono nghataa gyegwu.

Ikwɔ ongwɔ olɛɛ

¹¹ Ne ani di itsuuto onzundze nshewo yi ongwu nsɔdze ele mani. Eɛ yi akpeshe tse dzata imbe ngwi o dze mani, nghaduu imbe dzema ngwi a ka ke ba.

¹² Ani di di emi ikwukwɔ, ama nshewo beyi ama ogyengye, kwudze to inai itsuuto nani, ta a si kwulu afe kwuba. A kwulu afe oka, nli afe mgbi oshishe nani. A gbo emi ikwukwɔ ikwɔ mi ungwɔ ngwi a kyo ngwi a di lon mi afe ntona mani.

¹³ Ekyoo okwukwo gbe emi ikwukwɔ ama nwoto mbon nu, ikwongye beyi endzi kpaa gbe emi ikwukwɔ nto mboma ma nu, man a gbo ali inggise ikwɔ mi odzedze ungwɔ ngwi otsungwon kyo mani.

¹⁴ Ne a kye ikwongye beyi endzi ngwuta woke uto ola. Uto ola ne li ikwongye ongwu fan mani.

¹⁵ Inggise ta ngwu a lon iyi mi afe mgbi oshishe bayo, a kyon ngwuta woke uto ola nani.

21

IJerosalin ofufe

¹ Ani di di esho ofufe yi ese ofufe, lubana esho ongwi ababo beyi ese ongwi ababo nye wa, ekyoo okwukwo kpaa di dzema wuba.

² Ani di Ogalu Osaan, iJerosalin ofufe nani, to mbi Imgbasho kye esho le ba ese, a man dafi ongyaa ofufe ngwu meewo sunse saan mi ikye oban mani.

³ Man ani fwo ela okwukwo kye mi itsuuto na gbɛɛ, <<Onene osɔɔsɔ mgbi Imgbasho dze yi inggise, o dika dze yi ama. A ka li emidan, Imgbasho abuan ka dze yi ama dika li Imgbasho mgbi ama.

⁴ O ka kyi fwɔlu ma etse mi ine duu. Ikwongye ka dzema wuba naadi elela okyɔɔkyɔ hona akwɔ omaama naadi owulu-wulu, ikyesine ungwɔ ama ogbugbe nye wa.>>

⁵ Ongwu nsɔdze itsuuto ma gbɛɛ, <<N le nu alungwɔ duu yɛɛ ofufe!>> Ta o gbɛɛ, <<Kyi lolu ungwɔne woke ese, ikyekye elodze ntone li elodze ogbekabyi ele, a di li otsitsi kpaa.>>

⁶ O nya ani gbɛɛ: <<I ngye wa. Ani li Ababo yi Olɛɛ, Owita-wita beyi Ongyɛngye. Ali inggise ngwu ekweni kwun duu, n ka nun eni mi ibu, eni oshishe non wa ayayi.

⁷ Inggise ngwu ngha yɔ, ka gyokwude ungwɔneni, ani ka li Imgbasho mgban o dika li ongwani.

⁸ Kpaa ama omio yi ama onoyeye ba yi ama ngbe abo wo idza yi ama ongwɔ inggise yi ama okyɔ amah yi ama okyɔ obudei yi emi angwula beyi ama omwonya duu, imbe mgbi ama ka li mi uto ofufu odaka ogbe-gbe. Nene li ikwongye ongwu fan waani.>>

⁹ Ne onyi mbi engyeso egyafa ama ndze yi uga nmbwo yi iso ongwí olélé egyafa ntona ba wa nya ani gbée, <<Kwa, n ka tso abu ongyaa ofufe, owa Ongwummala mani.>>

¹⁰ Ta Onodzi kye ani teyi lu mi unggwo okwukwo oshigbo, si tso ani Ogalu Osaan, iJerusalem, tókye mbi Imgbasho mi esho le ba ese.

¹¹ I kwó yi okwókwó mgbi Imgbasho, ma okwókwó mgban dze dafi mgbi ashua owo onbukwó, dafi ikwutse onyina-nyina, gbosa saan dafi idzinggi nle dze nyina-nyina mani.

¹² Dze yi oka ogbagbadzidzi, nshigbo yi onufe ogalu nghi iwyodefa, beyi engyeso iwyodefa le ngyo onufe ogalu ntonani. Mi onufe ogalu ntona, a lo iyi agwo mgbi emi iSrai iwyodefa ntona onyonyi mi ali onufe duu.

¹³ Onufe ogalu li nghi eta mi onosa yi eta mi aca yi eta mi agwudu beyi eta mi onode.

¹⁴ Ikpishi mgbi ogalu na dze yi akwutse nghi iwyodefa ngwi a wo itozu mi ele, mi ali ikwutse itozu na, a lo iyi mgbi ama ogbikye Ongwummala iwyodefa ntona onyonyi mi ele.

¹⁵ Ongyeso ngbódze yi ani ma dze yi agida abashi omba ungwo ikye omba ogalu nani, yi onufe mgban beyi ewishi mgban.

¹⁶ A mbe ogalu na dafi aye ene mani, dafi ngwi i tunto ma, li ngha ngwi i tsee kpaa aali. O mba ogalu yi okwuta na si difwi gbée di li imai idubu onyi yi ideli ene mi unto, i tsee di shigbo kpaa ngha.

¹⁷ O kye mbalu ikpishi mgban man i shigbo dafi okwubo ideli onyi ngwusefa don ene mi

ombaamba mgbi inggise owamye, ngwi ongyeso na le kyido ele mani.

¹⁸ A mbe ikpishi na gbosa dafi ikwutse onyina-nyina, beke yi ogalu abashi kyoon, gbosa dafi idzinggi mani.

¹⁹ A me ita ikpishi mgbi ogalu na ingwinda yi ali ito ikwutse osunse duu. Ita ongwí ababo li ikwutse onyina-nyina, ongwu fan li onbyinbyi vluvlu, ongwu ta li onzundze puu, ongwu ne li enotse indrakpakpa otsururu,

²⁰ ongwu da li akpalɔ opuu, ongwu gyin li akpalɔ ogloglo, ongwu gyafa li indrakpakpa onyina-nyina, ongwu gyata li enotse ama nkwakye nyina-nyina, ongwu gyane li enotse ndigyo nyina-nyina, ongwu iwyo li indrakpakpa odzakupakpa, ongwu iwyodonyi li ayakwule onzundze, ongwu iwyodefa li omuma vluvlu.

²¹ A me onufe ogalu iwyodefa ntona mi enotse mgbangyilole, ali onufe duu a man mi mgbangyilole onyi. A me onwofe mi ogalu na mi abashi kyoon, gbosa le dze dafi idzinggi mani.

²² Ani di ozu okwukwo osunu Imgbasho onyi mi ogalu na ba, ikyekye Otse Imgbasho onghaangha beyi Ongwummala li ozu okwukwo mgban.

²³ Ogalu na mina ono naadi ofyia gbɛɛ no tse hona fyia mi ele ba, lubana okwɔkwɔ mgbi Imgbasho li nun osa, Ongwummala di li ipitila mgban.

²⁴ Eɛɛ ka kyikye mi osa mgban, uto emi eɛɛ dika gbe okwɔkwɔ mgbi ama ba ele.

²⁵ Egbe onyi kpaa a ka yile onufe ogalu mgban tukwu ba, ikyekye otu ka dze imbe na ba.

²⁶ Eɛɛ duu ka gbe okwɔkwɔ yi mmwɛ mgbi ama ba ele.

²⁷ Akponyi kpaa ungwɔ okpɛkpɛ ka kaka ele naadi inggise nkyungwɔ ayiwi hona ungwɔ onya ba. Nghaduu li ama a lɔ ma iyi mi afɛ oshishe mgbi Ongwummala ma ta ka kaka ele.

22

Ekyoo mgbi oshishe

¹ Nɛ ongyeso ma tso ani ekyoo mgbi eni oshishe, gbosa dafi idzinggi mani, le fɛ kyɛ mi itsuuto mgbi Imgbasho beyi mgbi Ongwummala

² nye lu idzidze angbodzi ingɔfɛ mgbi ogalu nani. Mi ali aye mgbi ekyoo na ekwɔ mgbi oshishe kwodzɛ ele, nli wa owawa ita iwyodefa, di li wa owawa mgban ali ofyia du. Afɛ mgbi ekwɔ na di dze mi ikye ongyelu ɛɛ ootse.

³ Ikamba onyi ka dze ogalu na wuba. Itsuuto mgbi Imgbasho beyi Ongwummala ka dze mi ogalu nani, engbido mgban dika sunun.

⁴ A ka di inɛ mgban, ma iyi mgban ka dɔ ebeshu mgbi ama.

⁵ Otu ka dzɛma wuba. A ka mina osa mgbi ipi-tila hona mgbi onɔ wuba, ikyesine Otɛ Imgbasho ka nu ma osa. A dika kyuuto nghataa gyegwu.

⁶ Ongyeso ma nya ani gbɛɛ, <<Elodze ntone li elodzimɔ di li otsitsi. Otɛ, Imgbasho mgbi onodzi mgbi ama ogbɛɛɛ, dɔ ongyeso mgban gbɛɛ no kwulu iba tso engbido mgban ungwɔ ama nka kyo dzikan-dzikan kyeme mani.>>

IYesu ye kyema

⁷ <<Wε gbεε, Ani ye kyema dzikan-dzikan! Ikyese no dze yi inggise ngwu ngyo elodze ama nto afe ne mani.>>

⁸ Ani, iƷn, li ani fwo di di ungwɔ ntonε aani. Onɔ ngwi ani fwo di di ma ma, ani lake ese mi iyayi ongyeso ongwu nkye ungwɔ ntonε le tso ani ma ikye osunun.

⁹ Nghaduu o nya ani gbεε, <<Ka kyo ngha ba! Ani kpaa li ongbido ungwonyi yi abu yi ama ogbεεε beyi ali inggise ngwu ngyo elodze mgbi afe ne duu. Sunu Imgbasho yuon!>>

¹⁰ Ne o nya ani gbεε, <<Ka kye elodze ngwi a yegbo mi afe ne ne da ba, ikyekye onɔ ma dze kwekwε.

¹¹ Inggise okyo obube no kiyayi okyo obube, ongwu itukwu le kplekple no kiyayi odze yi itukwu kplekple. Nghaduu inggise ama okyo osuse ka kiyayi okyungwɔ osuse, inggise ndile saan no kiyayi ole saan.>>

¹² <<Dii, ani ye kyema dzikan-dzikan! Umba mgbi ani dze yi ani, n dika kye nu ali inggise mi odzεedze ungwɔ ngwi otsungwɔn kyo mani.

¹³ Ani li Owita-wita yi Ongyεengye, Ababo yi Olele, Otiita yi Odondu.

¹⁴ <<Mse no be ama nkyi salu angwuto mgbi ama, ikyegbεε nu ma wa tu ofε ogye ekwɔ mgbi oshishe di tu ofε onye mi onufe lu ifu ogalu na ewo.

¹⁵ Ama nto ogalu mi ese ma, li obwe yi ama okyo obudei yi amah ibwubwe yi ama ogbɔngwɔ inggise yi ama ola angwula beyi ama ngwu onya omwaamwa kpa ma di li kyungwɔ ama ntishi ba mani.

¹⁶ <<Ani, iYesu, dɔ ongyesɔ mgbi ani esɔ ikye okye obwendɛ nɛ nu ema mi ikye okwakye mgbi ama onoyeyɛ. Ani li akpa yi etɔ mgbi iDevedi, di li oshɛbɛ ongwi ikyegbe nani.>>

¹⁷ Onodzi bɛyi ongyaa ofufɛ gbɛɛ, <<Kwa!>> Ma ali inggise nfwo odzɛ nɛ no gbɛɛ, <<Kwa!>> Ali inggise ngwu ekweni dɔn, no ba; inggise ndi mina, no gbɛ umba mgbi eni oshishe ayayi.

¹⁸ Ani ijɔn kwo ali inggise nfwo elodzɛ ngwi a yegbɔ mi afɛ nɛ adɔ: Ni inggise ta mbwo ungwɔ mi ele, Imgbasho ka mbwo otsungwɔn isɔ ngwi a lɔ mi afɛ neni.

¹⁹ Ma inggise ta ndi mwa elodzɛ mi afɛ ngwi a yegbɔ nɛ ngwuta, Imgbasho ka kyi kyelu ayɛ umba mgbi ekwɔ mgbi oshishe bɛyi ogalu osaan mgban, ngwi a lɔ ma mi afɛ nɛ mbon.

²⁰ Ongwu nkɔ obwendɛ mi ungwɔ ntonɛ ma gbɛɛ, <<Ɛɛn, ani yɛ kyɛma dzikan-dzikan.>> No dzɛ ngha. Ba, Otɛ iYesu.

²¹ Elela mgbi Otɛ iYesu no dzɛ yi emi ongwɛ Imgbasho duu.

Etulo NT

Portions of the Holy Bible in the Etulo language of Nigeria

copyright © 2024 Initiative for the Translation and Development of African Languages

Language: (Etulo)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 26 Jul 2025 from source files dated 9 Jul 2025

156b6685-3a62-5375-95ed-97245882cc90